

2009 Rhif 1824 (Cy. 165)

**Y GWASANAETH IECHYD
GWLADOL, CYMRU**

**Gorchymyn y Gwasanaeth Iechyd
Gwladol (Ailstrwythuro Cyrff y
Gwasanaeth Iechyd Gwladol:
Diwygiadau Canlyniadol) (Cymru)
2009**

NODYN ESBONIADOL

(Nid yw'r nodyn hwn yn rhan o'r Gorchymyn)

Mae'r Gorchymyn hwn, sy'n gymwys o ran Cymru, yn gwneud diwygiadau i amrywiol ddarpariaethau mewn is-ddeddfwriaeth benodedig. Daw'r diwygiadau o ganlyniad i sefydlu strwythur newydd i ddarparu'r Gwasanaeth Iechyd Gwladol yng Nghymru o 1 Hydref 2009 ymlaen.

Mae Gorchymyn Byrddau Iechyd Lleol (Sefydlu a Diddymu) (Cymru) 2009 (O.S. 2009/778 (Cy.66)) ("Gorchymyn 2009") yn diddymu un ar hugain o'r ddau Fwrdd Iechyd Lleol ar hugain presennol yng Nghymru ar 1 Hydref 2009 ac yn darparu bod Bwrdd Iechyd Lleol Addysgu Powys yn parhau ar ei ffurf bresennol fel y'i sefydlwyd o dan Orchymyn Byrddau Iechyd Lleol (Sefydlu) (Cymru) 2003 (O.S. 2003/148 (Cy.18)). Mae Gorchymyn 2009 yn sefydlu chwech o Fyrddau Iechyd Lleol newydd hefyd.

Mae Gorchymyn Ymddiriedolaethau'r Gwasanaeth Iechyd Gwladol (Diddymu) (Cymru) 2009 (O.S. 2009/1306 (Cy.117)) yn diddymu saith o Ymddiriedolaethau Gwasanaeth Iechyd Gwladol yng Nghymru ar 1 Hydref 2009. Mae Ymddiriedolaeth Gwasanaeth Iechyd Gwladol Gwasanaethau Ambiwylans Cymru, fel y'i sefydlwyd o dan Orchymyn Ymddiriedolaeth Gwasanaeth Iechyd Gwladol Gwasanaethau Ambiwylans Cymru (Sefydlu) 1998 (O.S. 1998/678), ac Ymddiriedolaeth Gwasanaeth Iechyd Gwladol Felindre, fel y'i sefydlwyd o dan Orchymyn Ymddiriedolaeth Gwasanaeth Iechyd Gwladol Felindre (Sefydlu) 1993 (O.S. 1993/2838), yn parhau mewn bodolaeth.

Mae Erthygl 2 o'r Gorchymyn yn dirymu Gorchymyn Ymddiriedolaethau'r Gwasanaeth Iechyd Gwladol (Tâl am Wasanaethau Fferyllol - Trefniant Arbennig) 1991.

Mae Erthygl 3 o'r Gorchymyn yn rhoi ei heffaith i'r Atodlen sy'n gwneud diwygiadau i is-ddeddfwriaeth amrywiol er mwyn adlewyrchu strwythurau newydd y Gwasanaeth Iechyd Gwladol.

2009 Rhif 1824 (Cy. 165)

**Y GWASANAETH IECHYD
GWLADOL, CYMRU**

Gorchymyn y Gwasanaeth Iechyd
Gwladol (Ailstrwythuro Cyrff y
Gwasanaeth Iechyd Gwladol:
Diwygiadau Canlyniadol) (Cymru)
2009

Gwnaed 8 Gorffennaf 2009

*Gosodwyd gerbron Cynulliad
Cenedlaethol Cymru* 9 Gorffennaf 2009

Yn dod i rym 1 Hydref 2009

Mae Gweinidogion Cymru, drwy arfer y pwerau a roddwyd gan adran 203(9) a (10) o Ddeddf y Gwasanaeth Iechyd Gwladol (Cymru) 2006(1), yn gwneud y Gorchymyn canlynol:

Enwi, cychwyn a chymhwyso

1.—(1) Enw'r Gorchymyn hwn yw Gorchymyn y Gwasanaeth Iechyd Gwladol (Ailstrwythuro Cyrff y Gwasanaeth Iechyd Gwladol: Diwygiadau Canlyniadol) (Cymru) 2009 ac mae'n dod i rym ar 1 Hydref 2009.

(2) Mae'r Gorchymyn hwn yn gymwys o ran Cymru.

**Dirymu Gorchymyn Ymddiriedolaethau'r
Gwasanaeth Iechyd Gwladol (Tâl am Wasanaethau
Fferyllol - Trefniant Arbennig) 1991**

2. Mae Gorchymyn Ymddiriedolaethau'r Gwasanaeth Iechyd Gwladol (Tâl am Wasanaethau Fferyllol - Trefniant Arbennig) 1991(2) wedi'i ddirymu i'r graddau y mae'n gymwys o ran Cymru.

(1) 2006 (p.42).

(2) O.S. 1991/509.

Diwygiadau i is-ddeddfwriaeth

3. Mae effaith i'r Atodlen (sy'n cynnwys diwygiadau i is-ddeddfwriaeth).

Edwina Hart

Y Gweinidog dros Iechyd a Gwasanaethau
Cymdeithasol, un o Weinidogion Cymru

8 Gorffennaf 2009

Diwygiadau i Offerynnau Statudol

Rheoliadau'r Gwasanaeth Iechyd Gwladol (Clefydau Gwenerol) 1974

1.—(1) Mae Rheoliadau'r Gwasanaeth Iechyd Gwladol (Clefydau Gwenerol) 1974(1) wedi'u diwygio fel a ganlyn.

(2) Yn rheoliad 2 (cyfrinachedd gwybodaeth) –

- (a) yn lle “Regional Health Authority and every District Health Authority” rhodder “Local Health Board and NHS Trust”; a
- (b) yn lle “Authority” rhodder “Local Health Board or the NHS Trust”.

Rheoliadau'r Gwasanaeth Iechyd Gwladol (Y Ffioedd Ymwelwyr Tramor) 1989

2.—(1) Mae Rheoliadau'r Gwasanaeth Iechyd Gwladol (Y Ffioedd a Godir ar Ymwelwyr Tramor) 1989(2) wedi'u diwygio fel a ganlyn.

(2) Yn rheoliad 1(2) (enwi, cychwyn a dehongli) –

- (a) hepgorer y diffiniad o “Authority”;
- (b) yn y man priodol yn ôl trefn yr wyddor mewnosoder y diffiniad canlynol –

““Local Health Board” has the meaning assigned to it by section 11 of the National Health Service (Wales) Act 2006(3);”.

(3) Ym mhob un o'r rheoliadau canlynol, yn lle “Authority” ym mhob man lle y mae'n digwydd, rhodder “Local Health Board”—

- (a) rheoliad 1 (enwi, cychwyn a dehongli);
- (b) rheoliad 2 (codi ac adennill ffioedd);
- (c) rheoliad 4 (ymwelwyr tramor sy'n esempt rhag ffioedd); ac
- (ch) 8 (ad-daliadau).

Rheoliadau'r Gwasanaeth Iechyd Gwladol (Ffioedd a Thaliadau Optegol) 1997

3.—(1) Mae Rheoliadau'r Gwasanaeth Iechyd Gwladol (Ffioedd a Thaliadau Optegol) 1997(4) wedi'u diwygio fel a ganlyn.

(2) Yn rheoliad 1 (enwi, cychwyn a dehongli) –

(1) O.S. 1974/29.
(2) O.S. 1989/306.
(3) 2006 p.42.
(4) O.S. 1997/818.

- (a) ym mharagraffau (c) ac (f) o'r diffiniad o "responsible authority", ar ôl y geiriau "NHS Trust", mewnosoder "or Local Health Board";
- (b) ym mharagraff (b) o'r diffiniad o "voucher", ar ôl y geiriau "NHS Trust" ym mhob man y maent yn digwydd, mewnosoder "or Local Health Board."

(3) Ym mharagraff (2) o reoliad 2 (ffioedd am sbectolau a lensys cyffwrdd) ar ôl y geiriau "NHS Trust" mewnosoder "Local Health Board".

(4) Ym mharagraff (5) o reoliad 8 (cymhwyster – cyflenwi offer optegol) ar ôl y geiriau "NHS Trust" ym mhob man y maent yn digwydd mewnosoder "or Local Health Board".

(5) Yn rheoliad 10 (dyroddi talebau gan ymddiriedolaethau GIG) –

- (a) yn lle'r pennawd, rhodder "Issue of Vouchers by NHS Trusts and Local Health Boards";
- (b) ar ôl y geiriau "NHS Trust" ym mhob man y maent yn digwydd, mewnosoder "or Local Health Board".

(6) Yn Atodlen 1 (codau llythrennau ar dalebau ac wynebwerthoedd – cyflenwi ac amnewid), ym mharagraff 10 ar ôl y geiriau "NHS Trust" mewnosoder "or Local Health Board".

(7) Yn Atodlen 2 (prismau, arlliwiau, lensys ffotocromig, sbectolau bach a sbectolau arbennig ac offer cymhleth) ym mharagraff(1)(g), ar ôl y geiriau "NHS Trust" ym mhob man lle y maent yn digwydd, mewnosoder "or Local Health Board".

Rheoliadau Cyflenwi Dŵr (Ansawdd Dŵr) 2001

4.—(1) Mae Rheoliadau Cyflenwi Dŵr (Ansawdd Dwr) 2001(1) wedi'u diwygio fel a ganlyn.

(2) Yn lle'r geiriau "National Public Health Service for Wales" ym mhob man y maent yn digwydd, rhodder "Public Health Wales National Health Service Trust".

(3) Yn rheoliad 2 (dehongli) –

- (a) hepgorer y diffiniadau canlynol –
 - (i) "health authority", a
 - (ii) "National Public Health Service";
- (b) yn y man priodol yn ôl trefn yr wyddor ,mewnosoder y diffiniad canlynol –

“Public Health Wales National Health Service Trust” means a National Health Service Trust within the meaning of the National Health Service (Wales) Act 2006(2) if, and in so far as, it has the

(1) O.S. 2001/3911.

(2) 2006 (p.42).

function of providing services in relation to public health in Wales;”.

Rheoliadau Cartrefi Gofal (Cymru) 2002

5.—(1) Mae Rheoliadau Cartrefi Gofal (Cymru) 2002 (1) wedi'u diwygio fel a ganlyn.

(2) Yn rheoliad 3(1)(ch) (sefydliadau sydd wedi'u heithrio) –

- (a) ar ddiwedd paragraff (i) dileer “neu”;
- (b) ar ddiwedd paragraff (ii) dileer “;” ac mewnosoder “, neu (iii) mewn Bwrdd Iechyd Lleol;”.

Rheoliadau Cofrestru Gofal Cymdeithasol a Gofal Iechyd Annibynnol (Cymru) 2002

6.—(1) Mae Rheoliadau Cofrestru Gofal Cymdeithasol a Gofal Iechyd Annibynnol (Cymru) 2002(2) wedi'u diwygio fel a ganlyn.

(2) Ym mharagraff 3 o Atodlen 1 (yr wybodaeth sydd i'w darparu ar gyfer cofrestru fel person sy'n rhedeg sefydliad neu asiantaeth) a pharagraff 8 o Atodlen 2 (y dogfennau sydd i'w cyflenwi gyda chais am gofrestru fel person sy'n rhedeg sefydliad neu asiantaeth) yn lle'r geiriau “except where the applicant is a local authority or NHS trust,” rhodder “except where the applicant is a local authority, an NHS trust or a Local Health Board.”.

Rheoliadau Asiantaethau Nyrsys (Cymru) 2003

7.—(1) Mae Rheoliadau Asiantaethau Nyrsys (Cymru) 2003(3) wedi'u diwygio fel a ganlyn.

(2) Yn rheoliad 2 (dehongli), yn y man priodol yn ôl trefn yr wyddor, mewnosoder y diffiniad canlynol—

“mae i'r term “Bwrdd Iechyd Lleol” (“*Local Health Board*”) yr ystyr a briodolir iddo gan adran 11 o Ddeddf y Gwasanaeth Iechyd Gwladol (Cymru) 2006;”.

(3) Yn rheoliad 3 (asiantaethau sydd wedi'u heithrio)

- (a) ar ôl y geiriau “ymddiriedolaeth GIG” mewnosoder “a Bwrdd Iechyd Lleol”;
- (b) ar ôl y geiriau “ymddiriedolaethau GIG eraill” mewnosoder “a Byrddau Iechyd Lleol eraill”.

(4) Yn rheoliad 19(2)(iii) a (3)(c) (adolygu ansawdd y gofal), yn lle'r geiriau “unrhyw awdurdod lleol neu ymddiriedolaeth GIG” rhodder “unrhyw awdurdod lleol, ymddiriedolaeth GIG neu Fwrdd Iechyd Lleol”.

(1) O.S. 2002/324 (Cy. 37).

(2) O.S. 2002/919 (Cy.107).

(3) O.S. 2003/2527 (Cy.242).

**Rheoliadau'r Gwasanaeth Iechyd Gwladol
(Treuliau Teithio a Pheidio â Chodi Tâl) (Cymru)
2007**

8.—(1) Mae Rheoliadau'r Gwasanaeth Iechyd Gwladol (Treuliau Teithio a Pheidio â Chodi Tâl) (Cymru) 2007(1) wedi'u diwygio fel a ganlyn.

(2) Yn rheoliad 2 (dehongli), yn y man priodol yn ôl trefn yr wyddor, mewnosoder y diffiniad canlynol –

“mae i'r term “Bwrdd Iechyd Lleol” (*“Local Health Board”*) yr ystyr a briodolir iddo gan adran 11 o'r Ddeddf;”.

(3) Yn rheoliad 11 (ad-daliadau) –

- (a) ym mharagraff (1)(a), ar ôl y geiriau “Ymddiriedolaeth GIG” ym mhob man y maent yn digwydd, mewnosoder “neu Fwrdd Iechyd Lleol”; a
- (b) ym mharagraff (2), ar ôl y geiriau “Ymddiriedolaeth GIG” mewnosoder “, Bwrdd Iechyd Lleol”.

Rheoliadau Cyffuriau a Reolir (Goruchwylio Rheolaeth a Defnydd) (Cymru) 2008

9.—(1) Mae Rheoliadau Cyffuriau a Reolir (Goruchwylio Rheolaeth a Defnydd) (Cymru) 2008(2) wedi'u diwygio fel a ganlyn.

(2) Yn rheoliad 12 (pwerau i wneud datganiadau a hunanasesiadau yn ofynnol, fel rhan o drefniadau monitro ac archwilio swyddogion atebol neu fel arall), yn lle paragraff (2) rhodder y canlynol –

“(2) Caiff AGIC ofyn am ddatganiad cyfnodol priodol a hunanasesiad priodol gan –

- (a) Ymddiriedolaeth GIG, neu gan berson sydd wedi'i gofrestru gyda'r Ymddiriedolaeth GIG honno ac sy'n darparu gofal iechyd; a
- (b) Bwrdd Iechyd Lleol.”.

(1) O.S. 2007/1104 (Cy.116).

(2) O.S. 2008/3239 (Cy.286).